

甘
棠
小
志

甘棠小志卷三目錄

記坊鋪第六

記里巷第七

記村鎮第八

甘棠小志卷三

甘泉董醇醞卿甫著

記坊鋪第六

邵伯巡檢司所轄地計坊二十有四。

曰仙女鄉。曰水西鄉。曰周壑鄉。曰延壽寺。曰黃花嶺。曰楊家莊。
曰顧家鄉。曰陸家莊。曰戚聖廟。曰下橋鄉。曰沿河碾子頭。曰昭
關。曰蔡王莊。曰白鶴埜。曰荷花塘。曰腰鋪。曰露筋。曰東西灣。曰
孔家橋。曰黃珏橋。曰北方寺。曰火郝莊。曰埕橋鄉。曰梁家巷。曰
赤岸湖。

其在運河東者十有六。與邵伯汛把總同治。

仙女鄉守坊一名。其保甲十名。內瓦窯鋪鳳皇橋一帶一名。東灣垠西灣垠新河南一帶地方一甲二名。六閘向東七里庵一名。留養所小街子一帶二名。石家壩二名。黃堡塘腹裏南鄉一帶一甲二名。水西鄉守坊一名。其保甲七名。內水星廟一甲二名。張家大橋一名。孫家橋一名。龍王廟一名。喬墅河南二名。周墅鄉守坊一名。其保甲八名。內賈呂莊一甲二名。翟家套二名。吉家漢二名。黃家庵一帶二名。延壽寺守坊二名。其保甲八名。內丁家伙一甲二名。庵門口鄭家莊一帶一甲二名。經藏寺一帶二名。褚家尖一帶二名。黃花嶺守坊一名。其保甲十三名。內

喬墅河北一帶一甲二名。賀家塘一甲二名。談家套一甲二名。
余家橋一甲二名。邢子灣一名。高橋上下一帶地方三名。丁溝
鎮一名。楊家莊守坊二名。其係甲十名。內楊家莊鎮向西刁家
莊大圩一帶地方四名。中半鄉施家橋顏家橋一帶地方二名。
施家橋一名。葛家營一名。蔣家營一名。閻家營一名。顧家鄉守
坊一名。其係甲十名。內真武廟二名。張四娘圩三名。鼓手莊二
名。永安一名。王家埧二名。陸家莊守坊一名。其係甲四名。內張
家尖二名。蔡家莊二名。戚墅廟守坊一名。其係甲五名。內戚墅
廟北甲二名。毛家尖南甲二名。華家老莊一名。下橋鄉守坊一

名。其係甲七名。內神路姚家莊二名。磚板橋蒙家套范家莊一
帶地方一甲三名。李上莊符莊一帶二名。沿河碾子頭守坊一
名。係甲碾子頭小三間一名。昭關廟蔡王莊守坊一名。莊頭係
甲蔡王莊一帶一名。白鶴塋守坊三名。莊頭係甲仇王許魏四
莊二名。荷花塘守坊三名。係甲荷花塘薔薇溝一帶二名。腰鋪
守坊一名。係甲崇家灣領頭馬家大莊一帶三名。露筋守坊一
名。其係甲五名。內露筋鎮三名。滌洋莊二名。以上十六坊地面
均在運河之東。緝捕事務。文歸邵伯司巡檢。武歸邵伯汛把總。
按石所載坊甲名數。均照司冊開列。計仙女鄉六甲。南至瓦窯

鋪北至石家塢西至運河東南接四境

此據劉瞻衡言按當是南至瓦窰鋪南接四境

東接周墅水西二鄉其境南北狹長自北而南分一二三四五

六六甲水西鄉四甲西接仙女鄉南接周墅鄉北沿艾陵湖邊

東北至喬墅鎮河心爲界河南屬水西鄉河北屬黃花嶺鄉其

境略方分東西南北四甲周墅鄉四甲西接四境仙女鄉南接

江都縣界東至孔家涵河心

水自孔家涵來北流過馬家橋高彭橋

接延壽寺鄉

北接水西鄉其境略方分東西南北四甲延壽寺鄉四甲東南

皆接江都縣界西至高彭橋河心

卽孔家涵來水也

接周墅鄉北接黃

花嶺鄉其境略方分東西南北四甲黃花嶺鄉八甲由喬墅東

至丁溝東西長約二十里。南北闊約十里。西接水西鄉及艾陵湖邊。東接江都縣及泰州界。南接延壽寺鄉。北接楊家鄉。其境東西長倍於南北。自西而東分一二三四五六七八八甲。按邵伯巡司所轄各坊。以黃花嶺鄉爲最大。聞洪武初張士誠亂後。里甲衰耗。於吳下抽丁實之。聽自占田畝。有老嫗趙姓。灑菜子爲識。及有司按籍問若田安在。時菜已秀矣。曰有黃花者是也。因名黃花嶺鄉。何物老嫗有此狡獪。竊疑聽民占田。應亦自有程度。豈當時有司盡智出此嫗下。恐亦齊東語耳。楊家鄉六甲。西自楊家莊河西起。東西長約二十里。南北闊約六七里。西接

下橋鄉東接泰州界南接黃花嶺鄉北接顧家鄉其境東西長南北僅及三之一自西而東分一二三四五六甲顧家鄉五甲由真武廟河西起至永安鎮南接楊家鄉西接陸家鄉北沿淤其河以河心爲界北接高郵州東抵東銀溝以溝心爲界東接泰州其境東西約十餘里南北約六七里分一二三四五五甲陸家鄉二甲東北接顧家鄉北至淶洋湖邊西北接戚墅廟鄉西南接下橋鄉按當是南及西南濱荇絲湖東南接楊家鄉其境南北較長分南北二甲戚墅廟鄉二甲東接陸家鄉北面淶洋湖邊西接沿河十莊南接下橋鄉荇絲湖其境南北較長分南北二甲

下橋鄉三甲。西南由鎮東神路起。西接沿河諸莊境。南濱艾陵湖。東接楊家鄉。東北隅接陸家鄉。北接戚墅廟鄉。分上甲、東甲、西甲、上甲。卽神路沿河十莊。南接邵伯鎮。北至露筋鎮。接高郵州界。西沿河隄。東接下橋鄉戚墅鄉、滌洋湖十莊。南北長約三十里。南首西至東闊不及三里。北首西至東闊約五六里。崔許高莊、碾子頭、蔡王莊、宋趙莊、白鶴埜爲上五莊。荷花塘、薔薇溝、腰鋪、滌洋莊、露筋鎮爲下五莊。以上十莊卽司冊碾子頭、昭關廟、白鶴埜、荷花塘、腰鋪、露筋諸坊所轄地也。時瞻衡分辦畝捐。故言之甚詳。并言上五莊民田多取土供隄用。今居人率易。

農而漁坊。亦多有裁併碾子頭。宋趙莊。遂至無一田可捐。

在運河以西者八。文屬邵伯巡檢。武則僧道橋。汎把總所有事也。
東西灣守坊二名。其係甲八名。內刁李二圩。朱家莊一名。陳家
溝二名。腹裏吉家酒店一帶地方三名。葛家大莊。大王廟錢家
廟河口一帶一名。邢家跳錢家嘴頭。運河西邊一名。孔家橋守
坊一名。其係甲二名。內上甲腹裏崔家小店一名。下甲由崔家
小店至中州會館一名。黃珏橋守坊二名。其係甲四名。內廟頭
一甲二名。黃珏橋一甲二名。北方寺守坊二名。其係甲二名。內
三里庵腹裏一帶北甲一名。澗陳埧南甲一名。火郝莊守坊一

名係甲一名。所管在黃珏橋鄉之北。臨湖地面係屬低窪水鄉。按火郝莊名。焦氏北湖小志圖與敘地篇均不載。惟書軼聞篇有之。詳村鎮篇。埝橋鄉守坊一名。係甲一名。坊務在火郝莊之西北。臨湖極低之區。梁家巷守坊一名。係甲一名。坊務在埝橋鄉之北。臨湖水鄉。赤岸湖守坊一名。係甲一名。坊務在梁家巷之西。北僧道橋之東。臨湖極低之區。離司署四十里。以上八坊地面均在運河之西。緝捕事務。文歸邵伯司巡檢。武歸僧道橋汛把總。邵伯汛。僧道橋汛。兩汛務以運河心爲界。

在鎮係甲由南而北凡八鋪。

頭鋪保甲一名。二鋪二名。三鋪二名。四鋪一名。五鋪二名。六鋪一名。七鋪三名。八鋪四名。共十六名。其頭鋪地界。上河南自南大王廟起。北至禹大房歇店止。大街南自寶公隄。劉磨坊起。北至青雲坊潘義和止。二鋪地界。上河南自孔木行起。北至朱家巷止。大街南自青雲坊起。北至齊立泰止。三鋪地界。東至玉帶河大通巷。南至青雲街趙德順烟店。北至司署南街五雲齋。下河南至石八房。四鋪地界。東至運河隄。西至七截橋。北至木牌溝。卽木排巷南至燒香港。五鋪地界。東至東河頭武廟。西至東街三官殿。南至大通巷。北至小教場逸園茶社。六鋪地界。上河南自

潘德興繩店起北至李木匠店止。大街街西齊立泰起王肉案止。街東湧源香店起邱家巷止。七鋪地界。上河李斛店起。當卽李木匠店。八佛柱止。大街街西王肉案起樂公興止。街東邱家巷起德大止。八鋪地界。館驛前至奶奶廟。內街柴火巷城隍廟東河邊等處。按以上均照巡司署冊開載。蓋巡司所以寄耳目分理坊務。以受成於巡司者也。江都陸志及府志甘泉境內於竹西亭鋪之下。皆言灣頭鎮鋪。淮子河鋪。八塔鋪。邵伯鋪。馬家鋪。三溝鋪。腰鋪。鋪各司兵五名。則主遞文書者。并云府城北接高郵州界八十里。凡八鋪。

巡快六。

巡緝運河一帶不分地段三名。六閘一帶二名。下河河路一名。

捕快四。

巡緝本鎮沿河西岸下河各鄉莊旱路。

記里巷第七

邵伯鎮真武樓外有更樓。於鎮北爲重閘。兩樓之間有泰山宮。爲東壁。

泰山宮今稱奶奶廟。廟之右北出更樓。通下河河口。有板橋。顏曰萬福橋。甘江汎把總趙小莊福隸書橋。實通北鄉之門戶也。

板可設可收。如釣橋然。廟左南經眞武樓下。達大街。

自泰山宮前西抵運隄。有街市。

街南北皆列肆。街西盡處運隄。瀕河爲奶奶廟馬頭。

街中有石橋。北通包塘。南爲上夾河後街。

橋下水門極狹。舊爲上夾河通包塘之道。今夾河淤廢。惟沿途

溝渠小水由此入包塘而已。包塘中洲上有西河會館。橋迤東

南行。卽瀕舊夾河之後街。

鎮北起眞武樓。南訖青雲樓。大街袤三里。

三里中。街東西列肆。人烟湊集。無少隙地。揚城被兵後。流寓者

眾。鎮人益繁。

街右巷凡十有三。

曰蔡家巷。曰潘家巷。曰義井巷。曰楊家巷。曰龔家巷。曰鄭家巷。

以上俱西通曰館驛前。曰埧巷口。曰竹巷口。曰大馬頭。曰朱家

上夾河後街巷。曰廟巷口。曰倉巷口。以上俱西通運隄。

其西通上夾河後街者六。

由蔡家巷南至鄭家巷凡六巷。皆西通上夾河後街。由上夾河

西抵運隄。路多叢雜。無復巷名可紀。其有與大街之巷相接及

相值者。或仍以大街之巷名爲名。蔡家巷有甘江汛署。西抵運

隄。瀕河有馬頭。潘家巷。狹義井巷。東對城隍廟巷口。西通上夾河後街。再西抵運隄。瀕河爲城隍廟馬頭。府志言。普濟渡在邵伯城隍廟官河。乾隆七年。知府高士鑰設。今廢。楊家巷。中路北有菱塘。趙輯五增瑞言。塘地舊爲民房址。汎弁取土培隄。乃深之。方可一二十丈。每當春夏之交。新萍滿鋪。一碧無罅。居人嘗種菱。其中因名菱塘。龔家巷。鄭家巷。亦俱通上夾河後街。

徑達運隄者七。

由館驛前南至倉巷口。凡七巷。巷西皆徑抵運隄。邵伯驛所在。曰館驛前。西抵運河爲往來官舫停泊之所。驛東有驛丞巷。北

接上夾河後街。驛故有丞巷。當以丞署得名。丞今裁。又東有小驛丞巷。北行折而西。通大驛丞巷。以有小驛丞巷。故或於驛丞巷加大字以別之。塹巷西抵運隄。曰大塹巷。巷中路北有彭城會館。館東壁北出一歧。北通館驛前。曰龔家巷。南出一歧。西南曲抵運隄。曰小塹巷。竹巷口西抵運隄。瀕河有馬頭。有愛民實蹟坊。爲揚糧通判涂司馬立。大馬頭有官渡鎮。西往來要道也。西岸有潘家古渡坊。今圯。朱家巷廟巷口西抵運隄。瀕河皆有馬頭。朱家巷狹。倉巷中分二路。迤西北一路曲折至鐵牛灣。名夾翦腦。西一路過虹橋。又分二路。北行折而西。出太平巷。晏公

廟巷皆西抵運隄。南行折而西出李家巷。亦西抵運隄。瀕河有

馬頭李家巷。卽潘七房巷。醉家再遷嘗居此。

嘉慶二十一年丙子自都天廟對門

遷此居此最久。田吉生祥嘗爲醇繪籌燈課讀圖。卽繪此也。道光十七年丁酉復自此遷東街。

義井巷有惠民井。張公映發殉節處也。

惠民井。府志言相傳謝安築邵伯埭時所鑿。按國初明諸生

張公映發殉節於此。今繚之以垣。護之以欄。顏曰甘棠義井。徐

積山慶增書張氏族譜。映發公傳後云。嗚呼。死非難。得其死之

爲難。愚夫愚婦自經於溝瀆者何限。究其由類非有死法也。特

不勝其一時之不可忍。遂以輕其生而不顧此其死也。適形

其褊淺而已。而世竟往往而有。乃獨於大變當前。宜舍生以取義。不容兩全之會。而紆青拖紫及冠章甫衣縫掖者。反皆逡巡觀望。或千百人中。竟無一人。冒慷慨赴死。是豈死在女子。小人則勇。在士大夫。則怯乎。抑死有輕有重。亦何其皆昧昧乎。此無他是非之明。不敵其利害之蔽。平日所爭。皆在於自逞其私。而不知其他。外之品。既有所不可問。內之天良。亦自汨沒而無存。猝遭變故。又安望其激發於一朝。以是知殺身之義。斷非能襲取。士之臨大節。而不可奪。蓋必其居恆。所以自持者。實不愧乎志士仁人。始得以勇於一決。而無所同惑於其間也。嗚呼。若吾

鄉先輩映發先生者其可以興矣。先生名爾中。映發其字也。爲明諸生。鼎革遂投鎮北城隍廟西之井以死。卽今所謂甘棠義井者是也。子讀其傳。則言先生事親孝。色養無違。持躬謹飭。雖訾笑亦不苟。人多迂之。嗚呼。先生之素行如是。是其難有所不避而成此高節也。亦第率其素履之常。當不足爲先生異。然惟平居之日而業能迴殊乎流俗。至爲斯世所怪迂。則其毅然徇節。並非出於一時意氣之所使。益可知矣。是故雜髮令下於丙戌四月。至其年之六月。而先生始就義云。或謂先生一諸生耳。旣未登仕版。似亦尙有可諉也。嗚呼。以責爲可謝。等而上之。亦

誰不有可藉口者。搢紳家居則曰位非有司也。守土者則曰無兵以禦也。任封疆者則曰敗壞豈由我也。身在朝列則曰未乘鈞軸也。爲輔相之臣則曰君不吾聽也。誰無可推亦誰不可苟免。此寡廉鮮恥之所以接踵於天下也。嗚呼先生之賢於人。第不自寬之一念而已。然而此一念也。先生則以全其爲明之諸生。卽先先生而死者有若史左諸公。後先生而死者有若何瞿金楊諸公。彼其人之爭光日月亦不過知其義無可逃而盡其分所當爲以全其爲明之臣已耳。與先生固無二致也。惜先生未獲顯位。故不克比烈於諸君子。而其名亦祇以光閭里。要之

先生之徇義。又豈以博後世之名耶。吾知其雖湮沒不彰。而返之先生之初心。固無憾焉。已。又書史氏族譜後云。吾邵埭距揚城不四十里。聚族而居者不足五六千家。南至北約三里許。東西尤狹。僅及三分之一。而文學則最爲時所稱。爲諸生及登鄉會榜者。恆不下百人焉。甘泉之學。每歲科試。取士額止十有二。計百里之地。其在學者。百數十人而已。而吾里彈丸地。乃占其大半。其亦盛矣。埭上在乾隆嘉慶間。號稱富庶。近年漸衰耗矣。而習尙則猶爲淳樸。詐僞浮囂之徒。無所容其身。卽今西洋之鴉片盛行於天下。吾里中染之者較少。在衣冠士則尤少矣。以故

知狷介之可貴。能自好而不隨俗波靡者。今亦尙不乏其人。顧吾竊有怪焉。夫埭上之地雖小。然發脈自淮右諸山而來。而有艾陵星塘諸湖相環抱。孕育信厚。則亦宜有瑰奇傑出之人。挺生於其間。而何以未之有。睹毋乃世值承平。非歲寒之日。卽有其人。亦末由自見歟。同里史君宗白爲予言其族祖事。蓋明季諸生也。以不改服故。乙酉後遂樓居。足不履地者終其身。不禁喟然興感。嘆斯人之不可及也。乃茲假史氏族譜觀之。而其事竟不載。及問之史君深甫。亦謂斯事也。信特家乘有關。不知爲何公耳。深甫君子也。非妄語者。又奚必譜之是徵。當甲申乙

西之際。吾堦上之不雉髮而投井死者。有諸生張公映發。最爲里人所稱道。至史公事。則知之者鮮。猶幸其賢子孫能道之。更有仲公者。亦諸生而遺民也。余近始得聞。聞其自署一聯。終日危坐一缸中。訖於沒齒。而以告予者。不獨忘其聯語。並其名亦忘之矣。予欲求其詳。而更不可得。夫君子亦貴無失其操耳。死不死。又何分軒輊。史公及仲公。固對張公而無愧色也。子曰。殷有三仁焉。爲三仁發。亦爲殷幸也。若諸君子之執節不同。其志皆可悲。而以藁爾微區。同時讀書之士。竟有此三義士焉。則一樓與一井一缸並垂不朽。誠足爲閭里光。謂非鍾毓之靈烏能。

若是信乎磅礴鬱積之氣自有時而泄也。予又以知奇特之才後必當更有著者。而凡今之稱羨於吾里者猶不足言也。

垣巷之南。竹巷之北。街有甘棠義學。

江都陸志甘泉吳志皆言甘棠義學在邵伯鎮街北。康熙間本鎮士民公建。今在大街西。屋故完好。嘉慶府志言今廢。誤。兩縣志言在鎮北亦誤。甘泉續志言甘棠義學嘉慶八年生員蔣和重修。仇嶰伯景崙言義學創於順治三年。先世必昌公偕潘蔣兩紳士首事。廳後本茅屋。迨汝梅公易以瓦。乾隆初屋頗傾壞。前廳蔣春和修。後宇龔聯甲修。按此較志爲詳。並言此間之鄉。

先輩蔣石鼻道誠云。又義學南有仇家旗杆。凡四。咸豐五年秋。七月十八日己卯大雨。折其最北一枝。仇名之苞。康熙戊子己丑。武科聯捷。任守備。爲嶰伯高祖。

大街之左有街二。曰東街。曰前街。巷二十有三。

曰安樂巷。曰土地廟巷。曰李家巷。曰城隍廟巷。曰大侯家巷。曰小侯家巷。曰范家巷。曰染坊巷。曰劉家巷。曰蟾宮巷。曰徐家巷。曰長生巷。曰王家巷。曰李家巷。曰張家巷。曰邱家巷。曰趙家巷。又南爲東街。又南爲前街。又南曰史家巷。曰劉家巷。曰廟巷口。曰染坊巷。曰古倉巷。曰余家巷。

在東街西口外。迤北者十有七。

由安樂巷南至趙家巷。凡十七巷。皆東通下河後街。土地廟巷有都土地廟。巷與街右蔡家巷正對路如十字形。李家巷狹。城隍廟巷有城隍廟。舊爲搜鹽所。今猶有稱其地爲所前者。巷與街右義井巷正對路如十字形。大小侯家巷。范家巷。染坊巷。劉家巷。俱狹。染坊巷尤狹。蟾宮巷俗名柴火巷。徐家巷狹。長生巷與街右館驛前正對爲市口。路如十字形。王家巷。李家巷。張家巷。俱極狹。張家巷又以店門爲巷門。現設肉案。邱家巷以舊有森泰錢鋪一名森泰巷。趙家巷極繚曲。六七折始達後街。

在前街西口外迤南者六。

由史家巷南至余家巷凡六巷。史家巷與街右朱家巷斜對。劉家巷狹咸豐三年醇自湖南奉諱歸里。僦居於此。廟巷口有大悲閣。巷與街右正對之巷同名。廟巷口路如十字形。染坊巷今巷口尙設染坊。古倉巷。府志言豫備倉一在邵伯鎮。今廢。巷當以此得名。古倉巷西口迤北與倉巷東口斜對。廟巷之南倉巷之北。醇家始遷嘗居此。宅與都天廟斜對。嘉慶二十年己亥自河西老宅遷此。二十一年丙子自此遷。

潘七房巷。以上五巷俱東通後街。余家巷東口當後街南盡處。瀕外塘。

大侯家巷稍北街有文節堂。

以贍讀書者之家之貧而節者首事者爲毛珊卿夢鵬。

蟾宮巷有博愛堂。

府志言嘉慶十四年里人捐資公建每月給本鎮殘婦廢疾錢文兼設義學并施助醫藥棺槨埋葬等事巡鹽御史阿克當阿有恤殘碑記言嘉慶己巳四月甘泉徐直生侍御以其鄉有恤殘會來屬余襄其成余聞其事而盡然傷也余不幸旣失怙兩月然後生一叔又先卒吾母暨叔母熒熒兩殘撫藐孤以至於成立旣鮮孔懷同氣之親又無一壘寸椽之藉兩太夫人齧齏

茹冰。惟日事箴紉。以資贍給。後余得通仕籍。始以苦節請於

朝邀

恩旌獎。今且祿入差厚。然叔母旣先期逝。而慈闈

捐背。星霜已周。每憶昔時鞠育之勤。與熒獨之苦。不自知涕淚之橫墮也。維揚本東南大都。會生齒旣繁。則必有貧不能自存者。侍御所居爲邵伯鎮。自頻年河水漫溢。田廬幾爲巨浸。滿目灾黎。言之酸鼻。而此孤寡無依之人。尤困苦顛連。而莫之援手。斯誠仁人君子所宜惻然者。今其鄉人各捨貲。創博愛堂。將以恤孤。接資教養。誠甚善之舉。不可不力贊之。以期其能久。况余早遊艱屯。實躬自歷焉。而能一一言其困苦。而於此敢不盡心。

也。乃捐養廉二千兩以復於侍御。俟吾力稍有餘。當續增之以爲眾勸焉。侍御屬余爲之記。因書其願末如右。按此董事會議處也。收養貧病有留養所。是年十月建於鎮南高家莊。時董事爲增生蔣沅。張春雷。監生吳兆祺。史煜。徐元桂。徐元桐。毛克惠。齊梅。劉晉。秦岳。職員徐元善。謝燮。王國銘。趙法。徐元榭。趙上林。副貢生謝開基。貢生丁二陽。內閣中書徐玉立。廩生丁椿。

東街左巷六

曰留芳巷。北通小教場。曰范家巷。北通小橋。有小溝。東達永濟橋。曰冠巷。今名蔣家巷。北通清真寺。曰張家巷。曰高家巷。兩巷。

北併爲一。達小溝。高家巷。舊名董家巷。曰龔皮坊巷。亦北達小溝。東街西口接大街。西對竹巷口。路成十字形。市廛櫛比。往來與咽街東抵闕。帝廟西壁。路折而南。由關帝廟巷至東河頭街。長一里弱。

右巷四。

曰史巷。一稱喜巷。巷有厠。或稱矢巷。南通前街。曰通軒巷。本名蔣家巷。一稱東西巷。南通前街尾。再南爲蔡家灣。曰花巷。曰關帝廟巷。俱南通東河頭。史巷迤西。三官殿斜對。醇家三遷當居。

此。道光十七年丁酉。自潘七房巷遷此。二十一年辛丑。自此迎養入都。盡室行。

通軒巷西留芳巷東。蔣西圃太史故宅地也。

太史名繼軾。西圃其字也。阮文達公稱其校士授徒得人最盛。方正重於鄉里。著有庭暇庸言。又有韻絲山房貽稿。嘗集少陵秋興詩字爲秋懷詩。前後各八首。云城上孤吟峯萬千。一聲紅豆白頭憐。相思碧水青山處。愁對金風玉露天。江漢烟波槎可問。蓬萊書信鳥曾傳。小樓明月沉沉夜。臥聽宮梧落枕邊。水氣雲陰靜晚秋。高城吟望接滄洲。蘆花白處皆漁宅。楓樹紅邊有畫樓。波上不驚烟鳥宿。月中相對露蓮愁。請看漂落江湖老。小向人間一繫舟。鳳城烟樹碧森森。斜日高樓動晚吟。千里關山

黃菊淚。幾聲猿鳥白雲心。靜看春浪還秋水。愁聽朝笳更暮砧。
回首翠微新月上。飛飛繡羽入華林。問水看山日幾回。紅雲紫
氣識蓬萊。清霄露湧金莖直。御苑風高翠扇開。車馬遲回

心。自省功名冷落老相催。荻花秋月魚鱗晚。日望江南尺素來。
日落西山水滿陂。千家刀尺起秋悲。虛傳織女絲還在。聞道鯨
魚石更移。高望孤城傷古堞。低垂老淚聽新絲。塞雲邊月愁歌
處。寂寞寒花三兩枝。石城西上暮雲斜。千里南州對月華。湖水
夜明飛翠羽。江樓風靜落紅牙。瑤枝玉樹佳人曲。畫閣珠簾帝
子家。回首他年歌舞寂。漂蕭孤荻宿漁槎。

原注去秋客游金陵豫章因及之

珠

樹瑤林秋氣高。三峯雲闕望蕭蕭。綵衣奉母虛長日。白首隨班

事。聖朝池上素鷗思。故侶烟中黃鶴入。青霄簾前燕子春。

吟在坐看寒楓。今自凋。舟車南北似漂蓬。金馬棲遲一老翁。筆

有江花凋晚歲。扇餘班。淚對秋風鳳皇抗羽。青霄上鸚鵡傷心。

畫閣中巫峽巫山千古在。低回吟望幾人同。右八首載淮海英靈集家在

江南江上州。蕭蕭宮苑可憐秋。青山北向圍京口。白浪東迤下

石頭。一樹名花來錦纜。滿城明月繫龍舟。畫簾歌舞春風寂。千

古傷心帝子樓。南國園林波浪中。長湖千里接江東。沉沉樓閣

魚龍夜。汎汎舟檣蘆荻風。漂母宅中棲燕子。故侯陵上宿漁翁。

文人氣象闢天地。月夜明珠映水紅。

二首憶雜
揚里居。

御樓仙閣

對西山奕奕旌旗紫。翠閣繡甲羽林圍。漢關金城雉堞繞。秦關

萬家砧動寒衣急。百尺梧高暮鳥還。

上苑名花多少樹。春

風曾識昔時顏。

己亥丁外艱旋里
今歲初秋還朝。

夜直金蓮映苑花。八年奉事

入清華。蓬山寂寞聽梧落。仙府高寒對月斜。平子愁多時有淚。

少陵吟望日思家。一枝栖鳥秋陰下。眼看青霄萬里槎。百年歲

月似輕車。世事烟雲點點虛。安石功名常對奕。蕭侯刀筆不關

書。簾前秋水芙蓉冷。枕上春聲燕子餘。垂老自思棲宿所。一絲

風月問江漁。日日孤吟向翠微。人間萬事道心違。藤蘿依樹莖

皆曲蘆荻經風。花自飛時有山。夔驚老眼。每看塞馬識仙機。平
居曾學南華子。臥聽瞿瞿對晚暉。清歌繞閣動悲傷。蓮粉漂紅
菊墜黃。天漢月華常不老。巫山雲氣自來香。錦機似水催年急。
畫鼓隨風入夜長。一枕秋簾人寂寂。可憐回首望高唐。班馬文
傳天道薄。秦黃吟苦白絲新。百年朝暮曾幾日。萬里湖山皆主
人。碧落抗風開翠羽。滄江鼓浪振紅鱗。武陵不問漁舟子。處處
花枝處處春。

當花巷北口街有通湖橋故蹟。

雍正嘉慶兩府志言。通湖橋在邵伯鎮東。迺朱家湖。江都甘泉

兩縣志言通湖橋在邵伯鎮街東通朱家湖并言何正茂造按
朱家湖四志均言東通官河官河在鎮之西朱家湖又在官河
之西橋在鎮街卽據未開越河以前言之越河卽今官河詳運道篇亦當云
西通朱家湖通湖橋實無由東通朱家湖今東街花巷口北街
中地隆起故老皆言是通湖橋故蹟橋池西北過冠巷有小溝
橋南過花巷有玉帶河兩水東會永濟橋下東通艾陵湖志不
言艾陵湖而言朱家湖蓋志之誤

前街左巷二

以在東街之前故曰前街邵伯巡檢司署設此故多稱司門口

司東壁跨街有關帝樓。前街西口接大街。西對大馬頭。路成十字形。人烟湊集。尤盛於東街竹巷市口。爲鎮中極衝之地。前街之左。史巷通軒巷。俱北通東街。卽東街之右巷也。

右巷一。

曰蔡家灣巷。巷短。僅三數步。巷南通玉帶河灣子橋。玉帶河凡五橋。灣子橋最北。過橋而南。卽仙女鄉之石家塢矣。巷北口對通軒巷。前街自此而東。路右漸無屋。瀕玉帶河曰東河頭。東接永濟橋。有米市。

蟾宮巷。東口迤南。過曲水。西流坊。互石隄而東。如長虹。曰神路。東

抵銀錠橋。

佑聖觀玉皇閣法華寺皆在隄北。趙松栴煜重修神路記云。邵伯埭之東有神路焉。自市側東至東嶽廟。袤延一里有奇。旁有河可通舟。爲鄉民往來之道。以地多寺觀。故名神路。舊係土埂。康熙中。許公聖功出貲購石以築路。而其舅姚公有成之。妻鄭孺人又出五百金以建石橋。今銀錠橋地屬曠逸。遂多游人跡矣。迄今垂二百年。不無傾圮。河亦少淤。巡尉俞公湛恩重其不便於行。謀之紳商。勸令捐修。且分廉俸以倡之。里人俱聞而樂輸。得錢千餘貫。缺者補之。淤者浚之。不時親督工。閱三月而始竣。往

來稱便焉。是年冬。嚴寒逾常。漕渠湍急處多有凍涸。所浚之河絕不少凍。神其說者遂謂俞公之德之所致云。道光二十五年歲次乙巳。邱育卿廣生書。許梅卿健言。神路始於康熙癸亥。二十一年。按聖功名士進梅卿其裔也。

隄北有斗野亭。

輿地紀勝言。邵伯鎮有斗野亭。以揚州分野屬斗也。名勝志言。斗野亭舊在邵伯鎮梵行院之側。雍正志言。宋熙寧二年建。輿地志言。紹興元年。郡守鄭興裔更造於府城迎恩橋南。嘉定閒。崔與之改題曰江淮要津。移斗野扁揭於北門外。甘泉續志言。

嘉慶十四年里人徐元惠徐元桐重建於鎮之來鶴寺側。有修

撰姚秋農文田記編修白小山

公諱鏗道光辛卯視學江左辭受知於公補弟子員公官至工

部尙書此稱編修。據書詩時言也。

重書宋七賢詩勒石於壁姚文田建斗野亭

記云揚州在星野爲斗牛之分昔人因於邵伯鎮西梵行院側

創建斗野亭郡志但云熙甯時建而不知果誰之爲也惟孫莘

老蘇子瞻子由及秦太虛黃魯直張文潛諸人皆嘗觴詠於此

則以是爲一邑之勝蓋鎮上承高寶諸湖積水涵虛菰蒲掩映

朝烟夕霏頃刻變態既足以供遊覽而又得孫蘇諸賢以爲重

似此亭遂爲必不可廢紹興時鄭忠肅來知是州始移建於郡

城迎恩橋南。而亭之地遂改。嘉定時。崔清獻撫淮。復改題曰江
淮要津。而亭之名且就堙矣。元明以來。五百餘年。未有能復之
者。茲徐司馬元惠偕其族弟元桐議重建之。而鎮西地當水衝。
舊址不可復用。因擇地於鎮東之法華寺側。而締構焉。於其成
也。復鐫孫蘇諸賢詩於壁。非直爲游憩而已。蓋前賢之流風遺
韻。藉是以不墜。亦足令至此亭者之興起也。會余客游邗上。司
馬之弟中翰侍御兩君皆余同年生。來屬爲之記。蓋經始於嘉
慶己巳四月朔日。至八月乃畢工。云附錄。宋孫覺題邵伯斗野
亭詩。淮海無林邱。曠澤千里平。一渠閑防瀦。物色故不清。老僧

喜穿築北戶。延朱葢檐楯。斗杓落簾幃。河漢傾平湖。杳無涯。湛
湛春波生。結纜嗟已晚。不見芙蓉城。尙想紫艾盤。明珠出新烹。
平生有微尙。一舟聊寄行。遇勝輒偃蹇。霜鬚刷澄明。可待齒牙
豁。歸歎謝浮榮。蘇軾次韻落帆謝公渚。日脚東西平。孤亭得小
憩。暮景含餘清。坐待斗與牛。錯落挂南甍。老僧如宿昔。一笑意
已傾。新詩出故人。舊事疑前生。吾生七往來。送老海上城。逢人
輒自哂。得魚不忍烹。似聞續溪老。復作東都行。小詩如秋菊。豔
豔雲中明。過此感我言。長篇發春榮。蘇轍次韻扁舟未得解。坐
待兩闌平。濁水污人思。野寺爲我清。昔游有遺詠。枯墨存高甍。

故人獨未來。一罇誰與傾。北風吹微雲。暮寒依月生。前望邗溝路。卻指鐵甕城。茅檐卜茲地。江水供晨烹。試問東坡翁。畢老幾此行。奔馳力不足。隱約性愈明。早爲歸耕計。免慚老僧榮。秦觀次韻。淮海破冬仲。雪霜滋不平。菱荷枯折盡。積水寒更清。輟棹得佳觀。湖天繞朱甍。信美無與娛。濁醪聊自傾。北眺桑梓國。悠然白雲生。南望古邗溝。滄波帶蕪城。村墟翳茅竹。孤烟起晨烹。檐閒鳥聲落。客子念當行。攬衣視日景。薄陰漏微明。何時復來游。春風發鮮榮。黃庭堅次韻。謝公所築埭。未嘆曲池平。蘇州來賦詩。句與秋氣清。結構擅空闊。湖光浮棟甍。維斗天司南。其下

百瀆傾貝宮。產明月。含澤遍諸生。盤薄淮海閒。風烟浸十城。籟
簫吹木末。浪波沸庖烹。我來杪搖落。霜清見魚行。白鷗遠飛回。
得我若眼明。佳人歸何時。解衣繞廂榮。張耒

甘泉志
作張琬

次韻維舟

得古寺望遠天。四平晴日揮揮散。晚風泠泠清危亭。下瞰野層
閣高連甍。起望斗與牛。淮海相奔傾。往來誰百年。今昔我平生。
悠悠何所寓。臺上多化城。與其逐影死。甯似不鳴烹。咄哉應有
止。老矣將安行。中庭柏子落。丈室霜月明。此意竟蕭條。猶然笑
安榮。張舜民

甘泉志作
張芸叟

次韻我登甘棠球所向殊未平。舟行污

池中頓失江湖清。蛙聲亂僧唄。鴟吻赫市甍。意同伯嗜死。苟與

衛士傾開池種白蓮壘石擬三生。猶淹南斗墟。終遠北斗城。設

我紫藕供報之白。

甘泉志作紫

芽烹三年猿鶴友。萬里秦楚行。秋風

隴首至。落日淮南明。寄言懷土士。慎勿慕官榮。右甘泉志所稱。

宋七賢詩。勒石於壁者。又庚溪詩話云。昔年過邵伯。隸登斗野

亭。見梁閒題曰。地勢如披掌。天形似覆盤。三星羅戶牖。北斗挂

闌干。晚色芙蓉靜。秋香穉極寒。更無山礙眼。臆覺水雲寬。此劉

齋作。蓋盡得斗野之景物也。又尤袤重登斗野亭詩二首。野色

涵空闊。平蕪接渺瀰。江淮天設險。星斗地分維。喬木千年意。滄

波萬古悲。老僧尤好事。見在索題詩。豪傑舊游處。此亭名亦俱。

淒涼謝公堰。浩蕩董家湖。陳跡成興廢。遺篇今有無。登臨何限恨。搔首獨長吁。陳淵登邵伯斗野亭詩。落帆新城曲。維揚古河右。幽尋得危亭。星斗穿戶牖。西風掃殘葉。庭宇不待筭。娟娟雲間月。亦復照杯酒。明朝又東南。汗流映衰柳。莫以此時心。熾然分淨垢。國朝王士徵詩。斗野亭前望平楚。依然遠水碧連空。羣賢翰墨思元祐。六代風流續謝公。蟹舍蕭條楓相外。漁蠻烟火荻蘆中。詩成吟望無人會。寫寄黃州杜水東。

亭東有普濟堂。嘗爲艾湖學舍。

嘉慶府志言。普濟堂舊名同善堂。甘泉令龔君鑑改爲普濟。在

邵伯鎮法華寺側。先是雍正七年江都知縣胡仁濟與本鎮紳士蔣驥許之琦周士灝蔣繼贊等倡舉善會以周貧乏。十年後知府尹會一捐俸購鎮北萬緣庵故址改造修葺。更撥給藥王廟入官田二百七十三畝。收穫以作各用。十一年鹽政高斌定於裁存火伏舟車費內歲給銀四百兩。邑人黃履昂先後捐銀一千六百餘兩。復於乾隆六年捐銀一千五百兩交典生息。爲鰥寡孤獨月糧。郡人許華生於堂前造橋以濟行旅。知府尹會一記略云。去郡治北四十里曰邵伯鎮。爲南北舟車孔道。烟火萬家。行旅如織。然隄瀕於河。夾岸皆大湖。每遇夏秋水泛。

溢淮流乘之東下。居民一歲豐歉。與商旅聚散恆繫於此。辛亥

雍正九年。秋。澇。民多凍餒。前江都令胡君爰倡義舉。立同善堂於鎮

之多寶館。令本土紳士任厥事。爲之賑粟。給絮。施藥。餌。助棺槨。

拵。骼。救。焚。始。則。募。市。中。每。一。塵。助。錢。一。文。月。止。得。十。數。緡。用。不

敷。則。董。事。捐。輸。補。其。乏。明。年。析。揚。州。附。郭。江。甘。二。邑。邵。伯。遂。隸

甘泉。甘令龔君復爲經畫。然常額無幾。而待拯者日多。董事心

餘力絀。亦無如之何。余廉得其情。與龔君募捐七百餘金。委之

董。事。按。籍。分。給。被。水。鄉。民。以。謀。其。食。再。募。絮。衣。千。餘。領。以。謀。其

衣。然。堂。無。常。產。難。爲。繼。也。適。有。藥。王。廟。僧。入。官。田。分。撥。二。百。七

十三畝零。附以莊屋。給同善堂收穫助用。仍念堂無專建。寄立於多寶館。是有名而亡實也。爰節縮常俸百二十兩。構鎮北萬緣庵廢址。改建爲堂。堂之前爲門三楹。殿三楹。東西廂寮。庖。漏等房二十餘楹。鳩工庀材。丹牖一新。仍以同善堂大書於額。自是堂之規模始定。時雍正十一年癸丑夏五月。甘泉續志言。艾湖學舍。乾隆五十九年。浙趙履元爲揚州通判。好士勸學。因普濟堂舊址。改建。以時會課諸生童。自捐廉俸。未幾病卒。遂廢。按萬緣庵舊址。初建爲同善堂。復易額爲普濟堂。中間爲艾湖學舍。今復爲普濟堂。蓋自有堂以來。皆善舉也。而我趙侯遠矣。又

文德堂始於道光八年。寄立於佑聖觀。有拾字拾骨及義填諸善舉。今司事者爲丁銘齋彝鼎。

大街之東有後街二。

前街在東街之前。東街前街街道俱自西自東。後街在大街之後。大街後街街道俱自南自北。後街之地徑不容軒。街名而已。一在東街迤北。北抵舊搜鹽所。

自東街留芳巷北行折而西抵趙家巷東口起。北行左歷趙家邱家張家李家王家諸巷東口。抵長生巷東口。由巷中西行數武。抵徐家大樓東。復折而北。左歷徐家蟾宮劉家染坊范家小

侯家大侯家諸巷東口抵城隍廟巷東口城隍廟舊搜鹽所也。自趙家巷東口北至城隍廟巷東口稍稍有廛市是爲後街。以上所歷諸巷俱西通大街。後街路東巷多紛錯。蟾宮巷東越後街稍南東歷曲水西流坊東抵神路。長生巷及左近諸巷東越後街東抵史家墳壩。神路之南史家墳壩之北有嫗棲所。里人苗澍首事。

一 在前街迤南南抵南塋

自前街蔡家灣南行沿玉帶河西入大通巷折而南起右歷史家劉家廟巷染坊倉巷諸巷東口抵余家巷東口迤北止亦名

後街無廛市。以上所歷諸巷俱西通大街。後街之東自大通巷

而南曰華家巷。曰廟巷。

廟巷自北河歷大街後街又東抵下河凡三截同名廟巷

曰卜家巷。

曰準提庵巷。曰石八房巷。諸巷東口皆濱玉帶河。北自蔡家灣

起。南至準提庵止。跨河計五橋。皆通石家壩。玉帶河前志未載。

甘泉續志言。河年久淤墊。嘉慶九年。荷花塘搶險需土。鎮中紳

士徐元惠。趙洵。丁二陽。蔣和等。公捐挑濬。卽以土供搶險之用。

湖路亦通利。按形家者流。以是河爲貴徵。固不足信。然鎮人叢

集。涵涌交錯。水流其惡。深通要焉。已歲久。又漸湮塞。道光二年

復濬。丁鵠樓國瑞倡之。

自泰山宮後壁過板橋口沿河而南曰北河頭。自前街過蔡家灣而東曰東河頭。自蔡家灣沿玉帶河過第五橋而南曰南橋口。舟楫鱗次皆往來。艾陵諸湖者。

地多米艇柴。南橋口又南接寶公隄。柴扁尤夥。俗稱隄爲柴

埧。由寶公隄左曲爲小街。新築土壘。

詳建置篇

由大馬頭官渡而西爲河西大街。渡曰潘家古渡。街則嘉道以前列肆麋集。亦河東大街之亞也。

甘泉志言潘家古渡在邵伯鎮河西。本潘氏舊設。康熙三十八年大水後廢。雍正四年里人潘鴻重造渡船築石岸。眾爲立石

題曰潘家古渡。按石坊今圯。坊西街北舊有潘氏宗祠。嘗設書塾。醇七歲始受書於此。大街民廛櫛比。不減河東。水患頻仍。非遷則圯。舊時瓦屋。今鮮有存者矣。距大街北二里許濱運河。有中州會館。會館之南有紅庵。

又西有惠政橋。跨鐵牛港。

雍正嘉慶兩府志。江甘兩縣志均言。惠政橋在邵伯鎮梵行寺。東舊傳晉謝安以政惠民。故名。按梵行寺俗稱西寺。橋在寺東。壁俗稱隱棠橋。北湖小志圖亦作隱棠橋。而誤圖寺於橋東北。湖濱志又誤以爲在西寺南四里。嘉慶府志甘泉縣志并複載。

隱棠橋。言在邵伯梵行寺西。通朱家湖。云通朱家湖是也。以爲在寺西則非。

又西舊有七截橋。跨梁家港。

府縣志均言七截橋在邵伯鎮梵行寺西。長十餘丈。甘泉縣志并言乾隆二年邑人江承炳修。按橋在梵行寺西數十武。橋之西爲福壽律院。俗稱茶庵。庵濱河。橋在門右。道光二年里人重建。今復圯。庵僧以舟渡。北湖續志以爲在庵東南二里。誤。

記村鎮第八

邵伯鎮。在灣頭鎮之東北。

雍正府志。灣頭鎮。

隸江都

卽古茱萸灣。舊云唐之東塘。周韓令坤

克揚州守之。敗南唐兵於灣頭堰。宋詔毀灣頭港口以遏金兵。令不得積水通舟。李全叛攻揚州。至灣頭立砦。元攻揚州。以兵屯灣頭。皆是此地。今爲鎮。在府城東北十五里。按邵伯鎮在灣頭鎮東北三十里。附錄宋賀鑄茱萸灣晚泊詩。冷雲拋雪未成花。過埭輕冰凍著沙。荻浦漁歸初下雁。楓橋市散只啼鴉。舊聞南國饒春事。行見東風換物華。老病心情亦何有。藥囊詩卷是生涯。明張萱詩。茱萸灣頭紅蓼花。秋風高日蒸殘霞。夜行打鼓負鹽去。平湖軋軋鳴歸槎。竹西歌吹杳何許。垂楊兩岸黯不語。

一聲江笛叫江樓。嘯斷寒雲不知處。國朝王士徵詩。雨歇茱
萸灣。返照村墟夕。淮水去悠悠。何處還鄉客。范廷瓚詩。橋通古
市頭。淮水奔流疾。相喚采茱萸。客中逢九日。席居中詩。歌舞龍
舟地。今來水一灣。淡黃隄上柳。凋盡舊時顏。李國宋詩。蕪城墩
下唱歌來。舴艋輕舸暗櫓催。家在茱萸灣裏住。五更月落打魚
回。史夔詩。江城行漸近。杳靄暮雲間。楊柳渡傍渡。茱萸灣復灣。
樵歌村徑曠。漁火夜船還。欲問山光寺。淒涼不可攀。

仙女鎮之北。

雍正府志。仙女鎮。

隸江都

在府城東北三十里。有古女道士康紫

霞廟鎮因以名沿運鹽河北岸西臨人字河北與甘泉縣分界。西陽雜俎云東陵聖母廟女道士康紫霞於夢得仙人謂之仙女。後因立廟祀之。丁鵠樓國瑞言仙女鎮一名龍川一名白龍川。以鎮有芒稻河俗稱蟒導河也。按邵伯鎮在仙女鎮北二十里。附錄國朝李沂經仙女廟詩原草綠萋萋輕舸轉碧溪。近江流水疾到岸客帆低。廟鬼鑄頑石牆花剝舊泥。仙踪不可問。惆悵日沈西。

宜陵鎮之西北

方輿紀要宜陵鎮

隸江都

在府東北六十五里地勢高阜民居稠

密自灣頭達泰州之道也。按邵伯鎮在宜陵鎮西北三十里。附錄國朝王士徵詩。向晚宜陵渡。孤帆踏暝流。千家漁火亂。兩岸候蟲啾。何處官人墓。常懷帝子樓。客愁兼弔古。今夜廣陵秋。宗元鼎詩。伐木暮丁丁。車聲雜斧聲。鵲欺牛背立。人信馬蹄行。深谷殘烟黑。荒墳斷火明。歸來門已閉。燈影射柴荆。孔尙任詩。淮南客路重陽後。灣過茱萸倍可憐。黃霧滿空迷雁陣。青苔一片染漁船。舊山宅廢憑詩補。新柳堂成作畫傳。三宿宜陵三夜雨。東原悵望指秋烟。

公道橋鎮之東

雍正府志公道橋鎮

隸甘泉
上官司

在城北四十里

北湖續志云在城
西北五十里甘泉

縣志云在城
西北七十里

橋上官巡司轄與黃珏橋相距十里並爲湖中高

阜塵市民居亦正相等俗呼僧道橋阮文達北湖公道橋阮氏墓圖記言揚州府西北七十里之大儀鎮地勢甚高其脈自西南橫山來至大儀起復東行二十里至黃子湖潏爲九壠岡卽今公道橋是也橋鎮距府城四十五里出府城北門北行過上雷塘橋方家巷兩膏橋一名火燒橋避風庵渡湖始達於橋鎮鎮居民千餘家有關帝司徒諸廟去鎮二里許有小橋曰陳家橋大儀以南甘泉山以北之水東匯於荒湖北流經橋南繞鎮而東

而北爲黃子湖矣。北湖續志言郡城北至雷塘十里。雷塘至方家巷十五里。方家巷至裔家集十里。裔家集至公道橋十里。渡按觀此橋鎮之形勢道里如視諸掌矣。邵伯鎮在公道橋鎮東三十里。置篇餘詳建

樊汭鎮之西南

雍正府志言樊汭鎮

隸高郵州

在州城東南六十里。與泰州甘泉縣

接界。按邵伯鎮在樊汭鎮西南四十里。附錄

國朝李國宋詩

二月柳絲長。歸帆挂夕陽。春風吹野水。暝色近河梁。宿草霜根白。殘雲雨腳黃。玉樓高半掩。繡被冷孤航。

邵伯巡司所轄諸村鎮在運河以西者大率濱六湖其最著者有黃珪橋鎮。

雍正府志黃珪鎮卽黃珪橋在城北四十里白茆湖北黃子湖南地多高阜最爲偏遠相傳宋元之季士大夫避地多居於此今居人稠密塵市鱗次與江都東諸鎮相等屬邵伯巡司轄郡人指名曰北湖往往置別業焉六湖記黃珪橋舊志作黃角橋或曰於湖中掘得雙玉故以珪名是傳會焉云爾北湖小志敘地篇黃珪橋在郡城北三十里橋以南有三里庵去橋三里庵北二里有破司徒廟又一里至橋橋之隄半里昔樹以柳橋之

北有市。自茶庵至於火星廟約半里。形如弧環湖而立焉。自火星廟東北八里至湯家泮兩畔舒爪若葉。中一綫如脊。南爲朱家湖。北爲邵伯湖。東嶽廟扼其根。廟東戴家窪。僅廣數武而已。自火星廟北行三里爲廟頭鎮。又一里爲新集。由新集而西二里爲都天廟。廟面西。孫家渡之水環焉。由新集而東爲崔家嘴。爲南北二田家嘴。諸嘴支水中若掌然。由田家嘴渡湖則爲荷花塘。新集北有眞武廟。由廟而北三里爲周家嘴。由廟而東北五里至錢家巷。其左爲大淘。右爲汪家淘。兩淘之間亦數武。是爲土城。口過此地。圓如鏡。治平寺在焉。由寺而東一角長三里。

爲東莊嘴。由寺而北長六七里爲九頃頭。黃珏橋之北盡於此。白火星廟北至治平寺。總曰北落枝。由黃珏橋西北行五里爲鴛鴦塘。其地高水溢不及。其北二里爲埧磯頭。埧磯頭之東北二里爲薛家嘴。與都天廟隔水相望焉。由鴛鴦塘而西一里爲羅家橋。橋北二里爲堰橋嘴。由羅家橋而北六里爲張田家嘴。其形亦弧。馬家嘴、劉家嘴、孫家園排其左。章家嘴避風庵列其右。其狀亦如掌焉。諸地之脈皆從甘泉山來。黃珏橋至公道橋八里。渡一里。公道橋之東北爲赤岸湖地。自公道橋七里至雙塘。又八里至橋頭鎮。又五里至宰家灘。灘以東華家嘴、林家嘴。

沙家尖。顏家嘴。倪家嘴。趙家嘴。如獸牙之張噬。灘以西爲柏家渡。胡家渡。小張家渡。如斧鉞之層疊。其雙塘界兩水之間。亦如湯家泮之有戴家窪焉。由公道橋而西。則西山。故其脈自橫山來。阮中丞云。甘泉山脈自古井寺來。古井寺之脈自陳家集來。陳家集脈自橫山來。橫山之脈自治山來。公道橋九龍岡之地。脈自大儀鎮北來。大儀雖爲鎮集。而地極高。實一山頂也。大儀之脈自陳家集東北來。陳家集脈自橫山來。蓋與黃珏橋之脈同發。源於橫冶山者。元家高祖之墓在九龍岡。西陳家橋。自子視之。所謂樂哉。瑕邱者也。循案湖地爲市。八曰黃珏橋鎮。曰公

道橋鎮曰橋頭鎮曰廟頭鎮曰裔家集曰方家集曰楊獸醫垣
曰宋家橋鎮自公道橋至宋家橋十五里自黃珏橋至裔家集
五里至方家集又五里至楊獸醫垣又五里按以上所敘皆近
湖地其距湖較遠者時散見於敘水下篇

見河渠篇

黃珏橋市北舊

有岸桴吳藺次綺所居地也藺次守湖州罷歸康熙庚午

二十九年

居此有歸湖詩五首云老愛幽棲出郭行無多水涉與山程人
留別館非無意天與滄州若有情黃鳥莫辭經日囀白鷗聞訂
舊時盟青鞋布襪從今始欲其閒雲過此生黃花種得向東籬
較取淵明我覺遲苦有虛名緣識字未忘結習尙貪詩戴公挈

楹花深日。王子停船雪滿時。不是傷懷遠。親舊從來猿鶴是相
知。水雲深處未嫌孤。欲寫鴟夷泛宅圖。一曲柳塘栽菡萏。數間
茅屋隱菰蒲。且教女子歌秋水。不向君王乞鑑湖。一葉輕舟馳
兩耳。風光真稱白鬢鬚。牢落平生懶是真。春來七十二閒身。雞
魚未敢忘前事。牛馬何堪逐後塵。乞得寒梅能作伴。借將修竹
可爲鄰。莫嗟冷寂非吾意。眼底從來怕熱人。絕似牽船傍岸居。
檣籬竹屋計全疎。閨中莫慮探空篋。梁上何曾愛破書。一劍誰
言迎陸賈。千金幾見壽相如。從教蓑笠無人識。獨向黃陂號老
漁。一時和者有秦之俊。范荃江闔王誥。王文範皆次其韻。顧圖

河獨集陸放翁句次韻詩載雄雉齋集錄之喜挂高帆浩蕩行

舟行錢

飄然雲水不論程

贈過人道人

尙嫌塵境妨幽致

春寒肯使秋

豪有妄情

道室

邨酒可賒常痛飲

縱游歸泊湖橋

野人有舊得尋盟

訪野老

扁舟來往無窮樂

冬曉

夜夜湖中看月生

東關

兩扇荆扉數掩籬

浴罷

閒步門外而歸

並溪穿塢每歸遲

閒游

客撐小艇招垂釣

新製道衣示衣工

僧趁

分題就賦詩

小園

豪竹哀絲真昨夢

秋興

晚菘早韭恰當時

蔬圃

紅塵

朝暮何時了

出謁晚歸

此老醉眠初不知

道室試筆

偶來徙倚草亭孤

江亭

冬望到處皆成一畫圖

秋日雜詠

疊疊沙痕留浦岸

舟中作

蕭蕭秋意滿

菰蒲

小閣納涼

意行舍北三义路

舍北行飯

跬步門前萬頃湖

題北窗

聊舉

一杯生耳熱。夜坐醉中猶攬故人鬚。夢與劉詔美夜飲五百年前賀季真。

秋日天將閒處著閒身。閒居初冬作吾曹自欲期千載。夜讀了翁遺文外物

原知等一塵。道興錦雉白魚供野餉。東村晚歸黃雞綠酒聚比鄰。夏日醉

中卽是逃名地。閒游本避浮名不避人。題庵壁頻拈枯筆賦幽居。幽居

述事歸老林間計未疎。曝書偶見舊稿有感尙憶青山陪眾隽。書懷不論黃紙

有除書。彌牟鎮驛舍小酌壯心耿耿人誰識。郊行胎髮茸茸漆不如。夏初湖村

雜興閱盡輩流身獨健。立春後十二日命駕至郊外敢辭老境落樵漁。幽懷旣而

有吳寅者。字秩三。亦字賓廬。其履歷不可詳。或曰曾在南書

房。亦未審何官。嘗過湖。聞讀書聲。問何地。曰黃珏橋。喜曰。此仁

里可居也。遂移家於湖。亦有歸湖詩五首。人和之者如藺次之。前事然。賓廬歸湖詩五首。今祇存其四。云。翛然俯仰此乾坤。一室勞勞費討論。地徧掃除搜鼠婦。籬加編葺護雞孫。未聞東郭招還築。卻被劉伶笑入禪。市井臣來遷草莽。太平田舍沐秋恩。宅里南濱黃子湖。幽偏果是野人居。三重茅恰三閒屋。一寸陰堪一卷書。馬鬣旣封瞻隴畔。牛衣昔臥泣窗虛。蒼茫無著長貧者。自顧何容料理疎。悠揚風動隔簾窺。隱約青山媚遠姿。蠻榼飮來幾兩屐。胡牀改罷數篇詩。量晴課雨巡簷角。放鴨觀魚到水涯。不分喧卑箏笛耳。飽聽樵唱獨歸遲。連阡井字接門闌。眼

界如今始放寬。九折不逢蟠板蠖。百層初見拂霄鸞。烟生極浦朝殊暮。松矗高空暑亦寒。環舍水光無際碧。漫將心跡付漁竿。

蔣次有林蕙堂集

歸湖詩附見顧圖河雄雉齋集中不載本集

賓廬有夢硯居詩集

又按邵伯司冊載有火郝莊守坊所管在黃珏橋之北焦氏敘地弗之及北湖圖亦無之及閱其書軼聞篇有云元末經張士誠之亂洪武定戶江都止存十八家其最著者有火郝二姓湖中火家洪郝家樓其聚族處也今二姓他徙無一存者尙稱其地爲火郝鄉相傳黃珏橋隄未築之先自陸家嘴設渡達劉家嘴名三陳家渡今稱渡船港者卽其處也渡南陳姓最富有園

亭樓榭名陳家樓。渡北則火郝爲巨族。自渡口而東有街市。人烟輳集。商旅往來。河淮旣合。匯爲六湖。市移而西。是渡乃廢。運河以東。北與高郵連界者有永安鎮。

雍正府志。永安鎮在高郵州城東南六十里。與甘泉接界。按鎮中有淤其河。河北隸高郵。南隸甘泉。附錄 國朝李國宋詩。烟色野冥冥。扁舟泊水汀。市樓高捧月。渚水弱依星。土銚春燈閃。漁罾晚餌腥。雁聲何處過。諸客不堪聽。

下河諸村鎮亦多濱湖。及網絡於支河汊港之間。

鎮南由寶公隄而南爲小街。有寶公寺。街盡再南。過新築土壘。

有城隍行宮接引庵。又東南有留養所。又南有天目庵黃堡塘。

極樂庵。

劉瞻衡云極樂庵係
仙女鄉第四甲地。

六閘之東有李家橋蕭家口。由六

閘而東南沿金灣新埧河有左莊。馮馬莊。都天廟。碾子頭。龍虎
溝。孫家碾。七里庵。由六閘而西南爲金灣舊埧河。東南流。河左
有高莊。右有娘娘廟。胡莊。嵇家庵。丁家莊。由舊埧而西南爲東
灣。爲西灣。爲八塔鋪。汎爲鳳凰橋。爲新河。爲瓦窯鋪。汎皆仙女
鄉坊地。過瓦窯鋪鎮南入四境。司冊瓦窯鋪鳳凰橋一帶。東灣
埧西灣埧新河南一帶。六閘向東七里庵留養所小街子一帶。
石家塢黃堡塘腹裏南鄉一帶。均列仙女鄉坊。下西倒埧東北

接青蕩湖。垠西有仇莊談莊賈莊。其西南有孔家渡。皆邵仙女鄉地。垠南由孫家跳而南曰陳馬莊。曰談莊。曰孟家塘。曰雙溝頭。地屬四境。由賈呂莊而東接周墅鄉。玉帶河之東曰石家壩。亦邵仙女鄉地。其東南有馬塘橋。接水西鄉。黃堡塘之東亦接水西鄉。艾陵湖南青蕩湖北皆水西鄉地。有龍王廟。水西廟。竇家橋。張家大橋。東接喬墅。水西廟俗稱水星廟。司冊水星廟。張家大橋。孫家橋。龍王廟。喬墅。河南均列水西鄉坊。下劉瞻衡同字言。艾陵青蕩兩湖中間地約闊十里。皆水西鄉是也。瞻衡又言。青蕩湖東南兩面皆周墅鄉。西北兩面皆水西鄉。青蕩湖南

有呂莊蔣家樓桑樹廟尤家橋。由賈呂莊而東。有薛家樓陳家殿管家蕩青蕩湖東有吉家志作戚家漢漢北有鄭匯橋。漢南有

高彭橋。皆跨孔家涵來水經流。司冊賈呂莊翟家套吉家漢黃家庵一帶均列。周聖鄉坊下。由經流而東。當高彭橋東南有軍

王廟般家橋扈家橋新莊俞家莊。皆南接江都境。高彭橋東北有丁家伙鎮。鎮北有江家套。西北有曾家渡。東有戴家莊。司冊

丁家伙庵門口鄭家莊一帶。經藏寺一帶。稽家尖一帶。均列。延壽寺鄉坊下。甘泉續志言。延壽寺鄉受青蕩湖水。舊有圩岸七

艾陵湖東有李常莊樊聖廟徐家橋潘家橋五漢港邵家套李

彭橋五汊港南有喬墅鎮。

北湖小志作橋墅。僧雪蒼有張赤城瑤房伯仲移居橋墅詩。

經流

貫其中。稍折爲西流形。故鎮人稱河南河北河南。

實河西稍南。

屬水

西鄉河北。

實河東稍北。

屬黃花嶺鄉。經流於鎮中。東出一支。東流曰

溪子河。沿溪子河而東有雁六尖。或曰暗龍尖。稍北有王寅家

橋。余家橋。溪子河又東有高橋鎮。又東入丁溝。稍北有丁溝鎮。

鎮中水出南而北。復於鎮中東出一支。形如丁字。故名丁溝鎮。

北有天真觀。溪子河南有小殷莊。河北有商王莊。鄔沙營軍呂

莊皆黃花嶺鄉地。司册喬墅河北一帶賀家塘。

在喬墅北鄉。

談家套

在五汊港內。

余家橋。祁子灣。高橋。上下一帶。丁溝鎮。均列黃花嶺鄉。

坊下地以嶺名。實無嶺。沿艾陵湖東而北。距湖北三里爲楊家莊。鎮經流由艾陵湖北出貫其中。鎮東北有東岳廟。又東北有尹家橋。吉家橋。鎮西有刁莊。西南有金家莊。南近艾陵湖。有古家莊。越經流而東。有觀音長壽庵。有吳八家蕩。又東爲劉家廩。廩有埂。埂北隸泰州。埂南隸甘泉。又東爲三周莊。莊北隸泰州。莊南隸甘泉。劉家廩稍南。當吳八家蕩之東。有老官尖王家套。張家莊。吳家巷。又東有堂子頭。有前後石莊。有東西沈廩。吳八家蕩東南有東林寺。又東有東西閭營。有田家莊。有葛家廩。有王家廩。有任家廩。吳八家蕩南接蓮花蕩。又南爲陳寡婦橋。

東有薛營。有葛營。有趙營。有南北蔣營。當葛家廩。南王家廩。北
丁溝。東出一支曰逍遙港。當任家廩。越丁溝而東。爲南北劉莊。
劉莊之南。有花家廩。劉莊之北。有東喬莊。東喬莊當丁溝之東。
逍遙港之南。港北隸泰州。港南隸甘泉。甘泉縣東境止此。邵伯
巡司東境亦止此。逍遙港又東。港北隸泰州。港南隸江都。司册
楊家莊鎮向西刁家莊大圩一帶。中半鄉。施家橋。顏家橋一帶。
又施家橋。葛營。蔣營。閻營。均列楊家鄉坊。下甘泉續志言。黃花
嶺鄉楊家鄉。受艾陵。青蕩湖。水舊有圩岸四十五。李漢南郎言。
西自運隄。昭關。埧起。東歷宋趙莊。苻絲湖。蒙家套。刁莊。孫家莊。

抵楊家莊鎮。路皆直東。孫家莊。咸豐癸丑。仲冬月杪。眷屬避兵處也。地小。圖不載。由楊家莊鎮而北。有真武廟鎮。經流貫鎮中。廟在鎮東北。鎮北。西有邱家橋。又北有邱墅閣。東北有九華庵。西北有崔莊金墅庵。苗家橋。張四娘莊。跨三帶溝。有楊家橋。尤家橋。跨小金溝。志作小涇溝。有周橋。徐安橋。陳龍橋。呂石橋。丁家橋。周橋南有劉家碾子。丁家橋南有東家伙圩。又南有鍋底圩。又東南有劉墳。小金溝之東有永安鎮。永安鎮詳見上。淤其河貫其中。大悲寺在其東南。跨東銀溝。西支有潘家莊橋。有俞家莊橋。有李馬橋。有蕭家庵橋。有殷莊橋。潘余兩橋之東有砂疆埧。殷莊橋。

北有楊圩。南有甘天伙圩。又南有搖頭廈。又南有大小霍莊。瀕東銀溝有鄭家圩。有何家蕩。有蒯家莊。溝東隸泰州。溝西隸甘泉司。冊真武廟。張四娘圩。鼓手莊。王家埧。永安鎮。均列顧家鄉坊下。甘泉續志言。真武廟受艾陵湖水。舊有圩岸二十六。顧家鄉永安鎮受淶洋恆子湖水。恆子湖卽苻絲湖舊有圩岸八十二。陸莊廟河東有杜莊。顏莊。瀕苻絲湖。東有嵇家。汶有毛家。甲有張家尖。張家尖東有採菱港。東接楊家莊。鎮北經流司。冊張家尖蔡家莊。列陸家鄉坊下。戚墅廟河貫戚墅廟鎮中。戚墅廟在鎮西南。圓道庵在鎮東北。河北接淶洋湖。南接苻絲湖。西接沿河十

莊鎮東南有周小官莊。瀕苻絲湖北。司冊戚墅廟。毛家尖。華家老莊。列戚墅鄉坊。下甘泉。續志言戚墅廟受淥洋恆子湖水。舊有圩岸六。由邵伯鎮東北板橋而東。有許莊。有符莊。有五穀廟。有崔莊。有李莊。瀕苻絲湖南爲北擺渡。又東爲江家蕩。由永濟橋而東。有油坊頭。由神路銀錠橋而東。有東嶽廟。稍北又東。瀕艾陵湖北。爲南擺渡。又東有釣魚溝。兩擺渡之間。河有一曲。崔莊當其曲。一名崔家橋。釣魚溝側有官莊。過江家蕩。釣魚溝而東。又東過磚橋。又東過板橋。有江家莊。俱瀕艾陵湖北。又東。蒙家套水自苻絲湖東出。龍王港水自艾陵湖北出來。會焉。蒙家

套有李莊亦稱李下莊以苻絲湖西南李莊稱上莊也蒙家套
張家尖刁莊三地列如鼎足刁莊屬楊家鄉張家尖屬陸家鄉
蒙家套則屬下橋鄉司册神路姚家莊磚板橋蒙家套范家莊
一帶李上莊符莊一帶均列下橋鄉坊下劉瞻衡言艾陵湖北
苻絲湖南北約五里東西約十五里皆下橋鄉地是也又言
邵伯鎮東南角爲水西鄉東北角爲下橋鄉由邵伯鎮北門歷
包塘而北西濱運河爲碾子頭汎其東有談莊有高莊又歷小
三閘昭關埧而北爲嵇家閘汎其東有宋家淺有趙家莊統稱
宋趙莊均瀕苻絲湖西嵇家閘汎北有三元庵又北有竹林寺

其東有王莊有周莊有毛莊有魏莊。又北爲荷花塘。其東有胡莊有仇夾蕩有許莊有大小仇莊。塘北有三聖庵。又北爲蔡家潭。其東有張莊有薔薇溝有魏王莊。均東接戚墅廟河。潭北爲小腰鋪。其東有劉莊有馬莊有南嶺頭。又北爲腰鋪河。其東有邵伯汛署。有孫莊。署今圯。汛北爲龍船塘。其東有來聖庵。有北嶺頭。塘北爲露筋鎮。其東有羅漢寺。有淶洋莊。均濱淶洋湖。西又北抵界牌溝。北接高郵州界。自鎮北至界牌溝。名沿河十莊。互詳坊鋪篇司冊以碾子頭小三閘列沿河。碾子頭坊下以蔡王莊一帶列昭關廟蔡王莊坊下。以仇王許魏四莊列白鶴埕坊下。

以荷花塘薺薇溝一帶列荷花塘坊下以崇家灣嶺頭馬家大莊一帶列腰鋪坊下以露筋鎮淶洋莊列露筋坊下甘泉續志言沿河十莊受淶洋恆子湖水舊有圩岸十八自邵伯鎮北三里至碾子頭汛又北十里至嵇家閘汛又北十里至腰鋪汛又北七里至露筋鎮又北三里至高郵三十里鋪自鎮南十里至八塔鋪汛又南十里至瓦窯鋪汛又南十里至灣頭閘自鎮東油坊頭入艾陵湖口東北七里至官莊又東北八里出湖又北三里至楊家莊鎮又北七里至真武廟鎮又北七里至邱墅閘又東七里至永安鎮自油坊頭入艾陵湖口東十五里至喬墅

鎮。又東七里至高橋鎮。又東八里至丁溝鎮。自高橋南三里至丁家伙鎮。自鎮東北十八里至戚墅廟鎮。

甘棠小志卷三

受業江都趙熙和率男增瑞校字